



## ORDENANZA NÚM: 30

### ORDENANZA DO PREZO PUBLICO POLA REALIZACIÓN DE CURSOS OU ACTIVIDADES NO ÁMBITO DA PROMOCIÓN DA IGUALDADE DE OPORTUNIDADES ORGANIZADOS POLO CONCELLO DE SOUTOMAIOR

#### Artigo 1.- CONCEPTO.

De conformidade co previsto nos artigos 41 e 127 do Real Decreto Lexislativo 2/2004, de 5 de marzo, polo que se aproba o Texto Refundido da Lei reguladora das Facendas Locais e no exercicio da potestade regulamentaria recoñecida ao Concello de Soutomaior, na súa calidade de Administración Pública Territorial, polos artigos 4, 49, 70.2 e concordantes da Lei 7/85, de 2 de abril reguladoras das Bases de Réxime Local, establece os **prezos públicos por cursos ou actividades formativas, culturais, coeducativas e de promoción da saúde organizados polo do Concello de Soutomaior dentro da área de Igualdade.**

#### Artigo 2. -OBRIGADOS AO PAGAMENTO

Están obrigados ao pagamento do prezo público regulamentado nesta ordenanza, os que se beneficien dos servizos prestados. No caso de que os beneficiarios sexan menores de idade o titor ou representante legal dos mesmos.

O devengo deste prezo ten lugar no momento no que se efectúe a solicitude de matriculación correspondente, nacente a obriga de pago cando se inicie a prestación do servizo .

#### Artigo 3.- CONTÍA.

1.- A contía dos prezos públicos regulamentados nesta Ordenanza será fixada nas Tarifas contidas no apartado seguinte para cada un dos distintos servizos ou actividades.

2.- As tarifas deste prezo público será a seguintes:

#### CURSOS DE FORMACIÓN EDUCATIVA E PROFESIONAL

##### Prezo por hora

Empadroados /as	Non empadroados/as
0,50 céntimos	1,00 Euro.

#### CURSOS DE FORMACIÓN ARTÍSTICA E PROMOCIÓN DA SAÚDE.

##### Prezo por hora

Empadroados /as	Non Empadroados/as
2,00 €	3,00 €

#### CURSOS DE ÁMBITO IGUALDADE DE OPORTUNIDADES NAS ASOCIACIÓNS E VOGALÍAS DA MULLER. (\*)

CURSOS	IMPORTE
Cursos ou actividades formativas, culturais, coeducativas e de promoción da saúde (*)	20 % do total do curso por participante.

**Viaxes, excursións, campamentos e actividades de tempo de lecer, organizadas no ámbito da promoción da igualdade de oportunidades polo concello de Soutomaior.**



O prezo fixarase polo órgano competente de xeito que, polo número dos solicitante, se cubra o custo total do mesmo. Sen embargo, cando existan razóns sociais, benéficas, culturais ou de interese público que así o aconsellen, debidamente acreditadas mediante informe técnico dos Servizos correspondentes, o órgano competente poderá fixar un prezo que non cubra o custo do mesmo, sempre que nos orzamentos exista consignación orzamentaria para a cobertura da diferenza existente

#### **Artigo 4.- EXENCIONS E BONIFICACIÓNS.**

Establécese a seguinte exención para os presentes cursos ou actividades:

- Cando as persoas inscritas estean ou sexan beneficiarias dalgunha prestación social quedaran exentos. Esta exención concederase polo Concello a petición do interesado acompañado dos seguintes documentos:

-Copia compulsada da resolución da concesión da prestación social e demais documentación, que no seu caso, sexa requirida pola traballadora social

Todos os expedientes de exencións serán tramitados polo departamento de servizos sociais e resoltos pola Xunta de Goberno Local. No caso de que a resolución sexa favorable o interesado queda excluído do pago do prezo público durante o exercicio económico no que cursa a solicitude.

#### **Artigo 5.- LIQUIDACIÓN.**

1. As tarifas dos cursos e actividades de formación educativa e profesional así como os de formación artística e promoción da saúde liquidaranse no momento de presentar a solicitude. Cando por causas non imputables ao obrigado o pago non se preste ou desenvolva o servizo, procederase á devolución da tarifa correspondente. No resto dos casos unha vez cumprimentada a inscrición non se devolverá o importe aboadado.

2. As tres faltas sen xustificar por parte dos participantes entenderase a renuncia á praza da actividade, quedando esta vacante para as persoas anotadas nas listas de agarda da mesma.

3. De non cubrirse as prazas estimadas como mínimas para a óptima realización da actividade, esta será cancelada e as cotas aboadadas devoltas .

#### **Artigo 6.- INGRESO.**

O pagamento desta tarifa realizarase nas contas bancarias que ten abertas o Concello no termo municipal ou no seu defecto nas oficinas dos servizos correspondentes que xestionen ditas actividades.

#### **DISPOSICIÓN FINAL.**

Esta Ordenanza entrará en vigor e comezará a aplicarse ao día seguinte da súa publicación no Boletín Oficial da Provincia, permanecendo vixente en tanto non se acorde a súa modificación ou derogación expresa.

**Aprobación pola Xunta de Goberno Local:** 25/03/2010

**Publicación no BOP:** núm. 69 do 14/04/2010

**Modificada pola Xunta de Goberno Local:** 11/10/2010

**Publicación no BOP:** núm 204 de 22/10/10

**Modificada pola Xunta de Goberno Local:** 18/02/2016.

**Publicación no BOP:** núm. 39 de 26/02/2016.